

Na osnovu člana 2 i 10., Zakona o udruženjima Brčko Distrikta BiH, (Službeni glasnik Brčko Distrikta BiH, broj 12/2002) Osnivačka Skupština Udruženja žena na sjednici SKUPŠTINE održane dana **04. 02. 2013.** godine donijela je:

**STATUT  
Udruženja aktivnih žena "GENDER"**

**Naziv i sjedište udruženja  
Član 1.**

Pun naziv udruženja na bosanskom jeziku glasi: Udruženje aktivnih žena „**GENDER**“ Brčko distrikta BiH;

Pun naziv udruženja na srpskom jeziku glasi: Удружење активних жена „**ГЕНДЕР**“ Брчко дистрикта БиХ;

Pun naziv udruženja na hrvatskom jeziku glasi: Udruga aktivnih žena „**GENDER**“ Brčko distrikta BiH;

Naziv udruženja na engleskom jeziku glasi: The Association of Active Women „**GENDER**“ Brčko distrikta BiH.

Skraćeni naziv Udruženja je:  
“**GENDER**” Brčko  
„**ГЕНДЕР**“ Брчко  
“**GENDER**” Brčko  
“**GENDER**” Brčko

Sjedište udruženja je u Brčkom na adresi:  
Ulica Hadži Vasfije Zejčirović br. 5, Brčko distrikt Bosna i Hercegovina

**Ciljevi udruženja  
Član 2.**

Ciljevi Udruženja su:

- a) Stvaranje društva ravnopravnosti, unapredjenje položaja žena, posebno mladih žena i žena koje žive u ruralnim područjima, postizanjem njihovog paritetnog učešća u organima vlasti, kreiranja politika na svim nivoima vlasti, u skladu sa modernim principima i praksama.
- b) Promovisanje profesionalnog napretka žena kroz sve faze njihove karijere, od potencijala kroz mentorstvo, edukaciju i umrežavanje do liderstva.
- c) Promovisanje održivog puta profesionalne karijere za sve žene kroz širenje informacija o inovativnim najboljim praksama.
- d) Podizanje obima vidljivosti žena povećanjem njihovog prisustva u medijima, političkom i javnom životu.
- e) Saradnja i povezivanje sa partnerskim udruženjima u zemlji i inostranstvu.
- f) Saradnja sa lokalnom administracijom, privrednim subjektima, poslovnim organizacijama, institucijama i uređenje međusobnih partnerskih odnosa.

- g) Organizovanje konferencija, okruglih stolova i predavanja uz učešće institucija, privrednih subjekata, banaka, nevladinih organizacija, udruženja, međunarodnih organizacija i predstavnika fondova i diplomatskih misija u Bosni i Hercegovini.
- h) Promovisanje i afirmacija uloga žena u borbi protiv nasilja

### Djelatnost udruženja

#### Član 3.

Udruženje aktivnih žena "GENDER" (u daljem tekstu: Udruženje) je nevladino i neprofitno Udruženje, osnovano na neodređeno vrijeme radi ostvarivanja ciljeva u oblasti:  
**afirmacije i razvoja ženskog profesionalnog i liderskog potencijala na svim nivoima.**

#### Član 4.

Šifra djelatnosti udruženja:

- 94.99 Djelatnosti ostalih članskih organizacija, d.n.

### Članstvo udruženja

#### Član 5.

Članstvo u Udruženju je dobrovoljno. Član/ica može biti svaki građanin/ka sa navršenih 16 godina, bez obzira na socijalnu, nacionalnu, vjersku ili rasnu pripadnost, pod uslovom da potpiše pristupnicu, prihvati Statut i opšta akta Udruženja.

#### Član 6.

Član/ica Udruženja ima pravo i dužnost da:

- a) Aktivno učestvuje u radu Udruženja i da se angažuje na ostvarivanju programskih ciljeva,
- b) Da se pridržava Statuta i opštih akata Udruženja,
- c) Da bira i bude birana u organe Udruženja,
- d) Čuva ugled Udruženja

#### Član 7.

Članstvo u Udruženja prestaje:

Pismenom izjavom da se želi istupiti iz Udruženja,

Isključivanjem iz Udruženja, o čemu odluku donosi Skupština udruženja,

Prestankom rada Udruženja.

#### Član 8.

Član/ica može biti isključen/a iz Udruženja ako se ne pridržava Statuta i opštih akata Udruženja, ili ako bude osuđen/a za krivično djelo koje je čini nedostojnom da bude član/ica Udruženja.

Odluku o isključenju donosi Skupština udruženja.

#### Član 9.

O eventualnom ponovnom prijemu isključenog/e član/ice odlučuje Skupština udruženja.

## **Unutrašnja organizacija rada Udruženja**

### **Član 10.**

Organi Udruženja su Skupština i Predsjednik/ca Udruženja.

Funkciju zastupnika vrši Predsjednik/ca Udruženja.

### **Član 11.**

Skupština Udruženja aktivnih žena „GENDER“ je najviši organ Udruženja i broji 3 člana/ica.

Članovi/ce Skupštine biraju se na period od 4 (četiri) godine, i mogu ponovo biti birani/e.

Udruženje ima predsjednika/cu Skupštine udruženja. Sjednicom Skupštine predsjedava Predsjednik/ca.

Skupština se sastaje najmanje jednom godišnje. Vanredna zasjedanja zakazuje Predsjednik/ca udruženja na svoju inicijativu ili na zahtjev jedne trećine članova/ica Skupštine.

Skupštinu saziva i sjednice priprema Predsjednik/ca udruženja.

Skupština donosi odluke prostom većinom prisutnih članova.

### **Član 12.**

Nadležnost Skupštine čini:

- a) donosi plan i program rada Udruženja,
- b) donosi Statut, izmjene i dopune Statuta i drugih akata određenih statutom,
- c) donosi odluke radi ostvarivanja ciljeva Udruženja,
- d) odlučuje o statusnim promjenama i prestanku rada Udruženja,
- e) usvaja godišnji izvještaj koji priprema Predsjednica udruženja,
- f) donosi i usvaja finansijski plan i finansijske izvještaje i revizorske izvještaje i utvrđuje prijedlog Izvještaja o radu Udruženja,
- g) odlučuje o udruživanju u saveze i druge asocijacije u zemlji i inostranstvu,
- h) imenuje i razrješava dužnosti Predsjednika/cu Udruženja,
- i) imenuje i razrješava dužnosti Predsjednika/cu Skupštine udruženja,
- j) raspolaže imovinom Udruženja i
- k) odlučuje o svim drugim pitanjima koja nisu u nadležnosti drugih organa Udruženja.

### **Član 13.**

Udruženja nema Upravni odbor.

Ako se tokom rada ukaže potreba za osnivanjem Upravnog odbora udruženja udruženje će ga osnovati.

### **Član 14.**

Predsednik/ca Udruženja:

- a) predstavlja i zastupa politiku Udruženja u zemlji i inostranstvu,
- b) organizuje redovno obavljanje djelatnosti Udruženja,

- c) potpisuje u ime Udruženja sporazume, ugovore, protokole i druga akta kojima se ustanovljava, realizuje i na drugi način ostvaruju ciljevi Udruženja,
- d) donosi finansijske odluke,
- e) predlaže izmjene i dopune Statuta Udruženja;
- f) priprema godišnji izvještaj za sjednice Skupštine,
- g) priprema finansijski plan i izvještaj za sjednice Skupštine i,
- h) zakazuje sastanke Skupštine udruženja

Mandat Predsednika/ce traje 4 (četiri) godine i može se ponovo birati na istu funkciju.

Prvog/u Predsednika/cu Udruženja bira Osnivačka skupština na period od 1 (jedne) godine.

Poslije isteka mandata prvog/e predsednika/ce Udruženja svakog/u sledećeg/u predsednika/cu Udruženja bira Skupština na prijedlog članova/ica Skupštine.

### **Sredstva udruženja**

#### **Član 15.**

Udruženje pribavlja sredstva od članarine, dobrovoljnih priloga, donacija i poklona, finansijskih subvencija i na drugi zakonom dozvoljen način.

### **Javnost rada udruženja**

#### **Član 16.**

Rad Udruženja je javan. Članovi/ice se obavještavaju o radu Udruženja neposredno, na Skupštini, kao i stavljanjem na uvid dokumentacije Udruženja.

### **Pečat udruženja**

#### **Član 17.**

Udruženje ima pečat okruglog oblika u čijoj sredini se nalaze znaci za muški i ženski pol, krug sa strelicom na desno van kruga i krug sa plusom na dole na lijevo, oko tog znaka se nalaze dvije kružnice između kojih na gornjoj strani, na vrhu piše GENDER latinicom, a u donjem dijelu cirilicom.

### **Logo udruženja**

#### **Član 18.**

Udruženje ima logo okruglog oblika u čijoj sredini se nalaze znaci za muški i ženski pol, krug sa strelicom na desno van kruga i krug sa plusom na dole na lijevo, oko tog znaka se nalaze dvije kružnice između kojih na gornjoj strani, na vrhu piše GENDER latinicom, a u donjem dijelu cirilicom.

### **Prestanak rada udruženja**

#### **Član 19.**

Udruženje prestaje sa radom odlukom Skupštine, kada prestanu uslovi za ostvarivanje ciljeva Udruženja, kao i u drugim slučajevima predviđenim zakonom.

## Raspolaganje preostalom imovinom udruženja


### Član 20.

U slučaju prestanka rada, imovina Udruženja prenijeće se na domaće nedobitno pravno lice koje je osnovano radi ostvarivanja istih ili sličnih ciljeva, odnosno Skupština će odlukom o prestanku odrediti kome se imovina prenosi u skladu sa zakonom.

### Član 21.

Ovaj statut usvojen je jednoglasno i to predsjednik/ica svojim potpisom utvrđuje.

Predsjednik/ca Skupštine udruženja:



OVJERAVA:  
OSNOVNI SUD BRČKO DISTRIKTA BiH  
Broj: 096-0-F1-18-000008  
Datum: 27.02.2018.godine



SUDIJA  
*Dobrinka Milivojević*  
Dobrinka Milivojević